

叢書集成三編 第六三冊目錄

文學類



詞別集——宋

景宋本渭南詞二卷	宋 陸游撰	宋金元明	〇六三 〇〇一
景宋本于湖居士樂府四卷	宋 張孝祥撰	宋金元明	〇六三 〇二一
景宋本稼軒詞甲集一卷乙集一卷丙集一卷	宋 辛棄疾撰	宋金元明	〇六三 〇四九
景小草齋鈔本稼軒長短句十二卷	宋 辛棄疾撰	宋金元明	〇六三 一一七
景宋本鶴山先生長短句三卷	宋 魏了翁撰	宋金元明	〇六三 二〇七
景宋本虛齋樂府二卷	宋 趙以夫撰	宋金元明	〇六三 二三五
景宋本後村居士詩餘二卷	宋 劉克莊撰	宋金元明	〇六三 二五五
景宋本秋崖先生詞四卷	宋 方岳撰	宋金元明	〇六三 二七七
景宋本石屏詞一卷	宋 戴復古撰	宋金元明	〇六三 二九五
景宋本梅屋詩餘一卷	宋 許棐撰	宋金元明	〇六三 三〇五
景元人鈔本竹山詞一卷	宋 蔣捷撰	宋金元明	〇六三 三一

詞別集——金

景金本礪溪詞一卷	金 丘處機撰	宋金元明	〇六三 三三一
景明宏治高麗晉州本遺山樂府三卷	金 元好問撰	宋金元明	〇六三 三五七
新樂府五卷補遺一卷（一名：遺山先生新樂府）	金 元好問撰	九金人集	〇六三 四〇一


詞別集——元

Wt57/03

景元延祐本知常先生雲山集一卷	元	姬翼撰	宋金元明	〇六三	四四一
天籟集二卷(又名：白蘭谷天籟集)	元	白樸撰	九金人集	〇六三	四七一
景元本松雪齋樂府一卷	元	趙孟頫撰	宋金元明	〇六三	四九九
景元本靜脩先生樂府一卷	元	劉因撰	宋金元明	〇六三	五〇五
景元本道園樂府一卷	元	虞集撰	宋金元明	〇六三	五一一
景元本此山先生樂府一卷	元	周權撰	宋金元明	〇六三	五一七
景元本漢泉先生樂府一卷	元	曹文貞撰	宋金元明	〇六三	五二七
景元本雪樓先生樂府一卷	元	程鉅夫撰	宋金元明	〇六三	五三五
景元本秋澗先生樂府四卷	元	王恽撰	宋金元明	〇六三	五四五
明隆慶本蟻術詞選四卷	明	邵復孺著 汪稷校	宋金元明	〇六三	五八五
詞別集——明					
明洪武本寫情集四卷	明	劉基撰	宋金元明	〇六三	六一三
詞別集——清					
梅山夢草一卷	清	董良玉撰	董氏台大	〇六三	六三九
天涯行乞圖題辭一卷	清	董金鑑輯	董氏台大	〇六三	六四九
飲水詞鈔二卷	清	性德撰 袁通選	隨園	〇六三	六五九

景宗本

渭南詞



景宋本
燭南詞
二

渭南文集卷第四十九

山陰陸游務觀

詞

赤壁詞招韓無咎
遊金山

禁門鐘曉憶君來朝路初翔鸞鵠西府中臺
推獨步行對金蓮宮燭慶繡華韉仙葩寶帶
看即飛騰速人生難料一尊此地相屬
回首紫陌青門西湖閑院鎖千梢脩竹素壁
棲鴉應好在殘夢不堪重續歲月驚心功名
看鏡短鬢無多綠一歡休惜與君同醉浮玉

浣沙溪和無咎
答韻

嬾向沙頭醉玉瓶喚君同賞小窓明夕陽吹
角最關情忙日苦多閑日少新愁常續舊
愁生客中無伴怕君行

其二南鄭
席上

浴罷華清第二湯紅絲撲粉玉肌涼娉婷初
試藕絲裳鳳尺裁成猩血色螭奩熏透麝
臍香水亭幽處捧霞觴

青玉案與朱景參
會北嶺

西風挾雨聲翻浪恰洗盡黃茅瘴老慣人間

齊得喪千巖高卧五湖歸棹替却凌煙像

故人不駐平戎帳白羽腰間氣何壯我老漁樵君將相小槽紅酒晚香丹荔記取蠻江上

水調歌頭

多景樓

江左占形勝最數古徐州連山如畫佳處縹渺著危樓鼓角臨風悲壯烽火連空明滅往事憶孫劉千里曜戈甲萬竈宿貔貅露露草風落木歲方秋使君宏放談笑洗盡古今愁不見襄陽登覽磨滅遊人無數遺恨黯難收叔子獨千載名與漢江流

浪淘沙

丹陽浮玉亭席上作

綠樹暗長亭幾把離尊陽關常恨不堪聞何況今朝秋色裏身是行人清淚浥羅巾各自消魂一江離恨恰平分安得千尋橫鐵鎖截斷煙津

定風波

進賢道上見梅贈王伯壽

欹帽垂鞭送客回小橋流水一枝梅衰病逢春都不記誰謂幽香却解逐人來安得身閑頻置酒携手與君看到十分開少壯相從今雪鬢因其流年霸恨兩相催

南鄉子

歸夢寄吳檣水驛江程去路長想見芳洲初繫纜斜陽煙樹參差認武昌愁鬢點新霜曾是朝衣染御香重到故鄉交舊少淒涼却恐它鄉勝故鄉

其二

早歲入皇州樽酒相逢盡勝流三十年來真一夢堪愁客路蕭蕭兩鬢秋蓬嶠偶重遊不待人嘲我自羞看鏡倚樓俱已矣扁舟月笛煙蓑萬事休

滿江紅

危堞朱欄登覽處一江秋色人正似征鴻社燕幾番輕別繾綣難忘當日語淒涼又作它鄉客問鬢邊都有幾多絲真堪織楊柳院秋千陌無限事成虛擲如今何處也夢魂難覓金鴨微溫香縹渺錦茵初展情蕭瑟料也應紅淚伴秋霖燈前滴

其二

夔州催王伯禮侍御尋梅之集

疎檠幽香禁不過晚寒愁絕那更是巴東江上楚山千疊歌帽閑尋西瀼路鞦韆笑向南

枝說恐使君歸去上鑿坡孤風月 清鏡裏
悲華髮山驛外溪橋側悽然回首處鳳凰城
闕憔悴如今誰領略飄零已是無顏色問行
厨何日喚賓僚猶堪折

感皇恩

伯禮立春日生日

春色到人間綵幡初戴正好春盤細生菜一
般日月只有仙家偏耐雪霜從點鬢朱顏在
溫詔鼎來延英催對鳳閣鸞臺看除拜對
衣裁穩恰稱毬紋新帶箇時方旋了功名債

其二

小閣倚秋空下臨江渚漠漠孤雲未成雨數
聲新鴈回首杜陵何處壯心空萬里人誰許
黃閣紫樞築壇開府莫怕功名欠人做如
今熟計只有故鄉歸路石帆山脚下菱三畝

好事近

寄張真甫

羈鴈未成歸腸斷寶箏零落那更凍醪無力
似故人情薄 瘴雲蠻雨暗孤城身在楚山
角煩問劍南消息怕還成疎索

其二

風露九霄寒侍宴玉華宮闕親向紫皇香案

見金芝千葉 碧壺仙露醞初成香味兩奇
絕醉後却騎丹鳳看蓬萊春色

其三

次宇文卷目韻

客路苦思歸愁似蠶絲千緒夢裏鏡湖煙雨
看山無重數 尊前消盡少年狂慵著送春
語花落燕飛庭戶歎年光如許

其四

歲晚喜東歸掃盡市朝陳迹揀得亂山環處
釣一潭澄碧 賣魚沽酒醉還醒心事付橫
笛家在萬重雲外有沙鷗相識

其五

華表又千年誰記駕雲孤鶴回首舊曾遊處
但山川城郭 紛紛車馬滿人間塵土汙芒
屨且訪葛仙丹井看巖花開落

其六

揮袖別人間飛躡峭崖蒼壁尋見古僊丹竈
有白雲成積 心如潭水靜無風一坐數千
息夜半忽驚奇事看鯨波晦日

其七

湓口放船歸薄暮散花洲宿兩岸白蘋紅蓼

映一萸新綠 有沽酒處便爲家菱芡四時足明日又乘風去任江南江北

其八 登梅仙山絕頂望海

揮袖上西峯孤絕去天無尺拄杖下臨鯨海數煙帆歷歷貪看雲氣舞青鸞歸路已將夕多謝半山松吹解慙慙留客

其九

小倦帶餘醒澹澹數櫺斜日驅退睡魔十萬有雙龍蒼壁少年莫笑老人衰風味似平昔扶杖凍雲深處探溪梅消息

其十

覓箇有緣人分付玉壺靈藥誰向市塵深處識遼天孤鶴月中吹笛下巴陵條華赴前約今古廢興何限歎山川如昨

其十一

平旦出秦關雪色駕車雙鹿借問此行安往賞清伊脩竹漢家宮殿劫灰中春草幾回綠君看變遷如許況紛紛榮辱

其十二

秋曉上蓮峯高躡倚天青壁誰與放翁爲伴

有天壇輕策 鏗然忽變赤龍飛雷兩四山黑談笑做成豐歲笑禪龕柳栗

鷓鴣天 送葉夢錫

家住東吳近帝鄉平生豪舉少年場十千沽酒青樓上百萬呼盧錦瑟傍身易老恨難忘尊前贏得是淒涼君歸爲報京華舊一事無成兩鬢霜

其二 陵前驛作

看盡巴山看蜀山子規江上過春殘慣眠

詞一

七

古驛常安枕熟聽陽關不慘顏慵服氣嬾燒丹不妨青鬢戲人間祕傳一字神仙訣說與君知只是頑

其三

梳髮金盤剩一窩畫眉鸞鏡暈雙蛾人間何處無春到只有伊家獨占多微步處柰嬌何春衫初換翅塵羅東隣鬪草歸來晚忘却新傳子夜歌

其四

家住蒼煙落照間絲毫塵事不相關斟殘玉

濯行穿竹卷罷黃庭卧看山 貪嘯傲任裘
殘不妨隨處一開顏元知造物心腸別老却
英雄似等閑

其五

插脚紅塵已是顛更求平地上青天新來有
箇生涯別買斷煙波不用錢 沽酒市採菱
船醉聽風雨擁蓑眠三山老子真堪笑見事
遲來四十年

其六

嬾向青門學種瓜只將漁釣送年華雙雙新

詞一

燕飛春岸片片輕鷗落晚沙 歌縹渺艣嘔

八

啞酒如清露蘇如花逢人問道歸何處笑指
船兒此是家

其七 蘇東坡席上作

南浦舟中兩玉人誰知重見楚江濱憑教後
苑紅牙版引上西川綠錦茵 纔淺笑却輕
嚔淡黃楊柳又催春情知言語難傳恨不似
琵琶道得真

暮山溪 送伯禮

元戎十乘出次高唐館歸去舊鷁行更何人

齊飛霄漢瞿唐水落惟是淚波深催疊鼓起
牙檣難鎖長江斷 春深鶯禁紅日宮甌暖
何處望音塵黯消魂層城飛觀人情見慣不
敢恨相忘梅驛外夢灘邊只待除書看

又 遊三榮龍洞

窮山孤壘臘盡春初破寂寞掩空齋好一箇
無聊底我嘯臺龍岫隨分有雲山臨淺瀨蔭
長松閑據胡床坐 三杯徑醉不覺紗巾墮
畫角喚人歸落梅村籃輿夜過城門漸近幾
點妓衣紅官驛外酒壚前也有閑燈火

詞一

九

木蘭花 立春日作

三年流落巴山道破盡青衫塵滿帽身如西
瀼渡頭雲愁抵瞿唐關上草 春盤春酒年
年好試戴銀幡判醉倒今朝一歲大家添不
是人間偏我老

朝中措 梅

幽姿不入少年場無語只淒涼一箇飄零身
世十分冷淡心腸 江頭月底新詩舊夢孤
恨清香任是春風不管也曾先識東皇

其二 代譚德稱作

怕歌愁舞嬾逢迎。粧晚託春醒。總是向人深處，當時枉道無情。關心近日，啼紅密訴，翦綠深盟。杏館花陰，恨淺畫堂銀燭，嫌明。

其三

繁繁難鼓，餞流年、燭焰動金船。綵燕難尋，前夢酥花空點春妍。文園謝病，蘭成久旅，回首淒然。明月梅山笛夜，和風禹廟鶯天。

臨江仙

離果州作

鳩雨催成新綠，燕泥收盡殘紅。春光還與美人同。論心空眷眷，分袂却匆匆。只道真情易寫，那知怨句難工。水流雲散各西東。半廊花院月，一帽柳橋風。

詞一

十

陌上簫聲寒食近，雨過園林花氣浮。芳潤千里斜陽鍾欲暝。憑高望斷南樓信。海角天涯行路盡。三十年間無處無遺恨。天若有情終欲問。忍教霜點相思鬢。

蝶戀花

離小益作

桐葉晨飄蛩夜語。旅思秋光黯黯。長安路。記橫戈盤馬處。散關清渭應如故。江海輕

其二

舟今已具一卷兵書歎息無人付。早信此生終不遇。當年悔草長楊賦。

水漾萍根風卷絮。倩笑嬌顰忍記逢迎處。只有夢魂能再遇。堪嗟夢不由人做。夢若由人何處去。短帽輕衫夜夜眉。州路不怕銀缸深。繡戶只愁風斷青衣渡。

其三

紅酥手黃縢酒滿城春色宮牆柳。東風惡歡情薄一懷愁緒幾年離索。錯錯錯春如舊。

釵頭鳳

人空瘦淚痕紅浥蛟綃透。桃花落開池閣山盟雖在錦書難託。莫莫莫。

詞一

十二

江頭日暮痛飲。乍雪晴猶凜。山驛淒涼燈昏人獨寢。鴛鴦機新寄斷錦。歎往事不堪重省。夢破南樓綠雲堆一枕。

清商怨

葭萌驛作

樽前花底尋春處。堪歎心情全減。一身萍寄酒徒雲散。佳人天遠。那更今年瘴煙蠻雨。夜郎江畔漫倚樓橫笛。臨窻看鏡時。揮涕驚流。

水龍吟

樂南作

此為試讀，需要完整PDF請訪問：www.ertongbook.com

轉 花落月明庭院悄無言魂消腸斷憑肩
携手當時曾効畫梁栖燕見說新來綢繆塵
暗舞衫歌扇料也羞憔悴慵行芳徑怕啼鶯
見

秋波媚

七月十六日晚登高
興亭望長安南山

秋到邊城角聲哀烽火照高臺悲歌擊筑憑
高斟酒此興悠哉多情誰似南山月特地
暮雲開灞橋煙柳曲江池館應待人來

其二

曾散天花蕊珠宮一念墮塵中鈿華洗盡珠

詞一

三

璣不御道骨仙風東遊我醉騎鯨去君駕
素鸞從垂虹看月天台采藥更與誰同

采桑子

寶釵樓上粧梳晚嬾上鞦韆閑撥沉煙金縷
衣寬睡髻偏鱗鴻不寄遼東信又是經年
彈淚花前愁入春風十四絃

卜筮子

梅

驛外斷橋邊寂寞開無主已是黃昏獨自愁
更著風和雨無意苦爭春一任羣芳妬零
落成泥碾作塵只有香如故

沁園春

三榮橫溪
閨小宴

粉破梅梢綠動萱叢春意已深漸珠簾低卷
筇枝微步冰開躍鯉林暖鳴禽荔子扶疎竹
枝哀怨濁酒一尊和淚斟憑欄久歎山川冉
冉歲月駸駸當時豈料如今漫一事無成
霜鬢侵看故人強半沙堤黃閣魚懸帶玉貂
映蟬金許國雖堅朝天無路萬里淒涼誰寄
音東風裏有灞橋煙柳知我歸心

其二

一別秦樓轉眼新春又近放燈憶盈盈倩笑

詞一

三

纖纖柔握玉香花語雪暖酥凝念遠愁腸
傷春病思自怪平生殊未曾君知否漸香消
蜀錦淚漬吳綾難求繫日長繩況倦客飄
零少舊朋但江郊鴈起漁村笛怨寒釭委燼
孤硯生冰水繞山圍煙昏雲慘縱有高臺常
怯登消魂處是魚牋不到蘭夢無憑

其三

孤鶴歸飛再過遼天換盡舊人念疊疊枯冢
茫茫夢境王侯螻蟻畢竟成塵載酒園林尋
花巷陌當日何曾輕負春流年改歎圍腰帶

剩點鬢霜新 交親散落如雲又豈料如今
餘此身幸眼明身健茶甘飯軟非惟我老更
有人貧病盡危機消殘壯志短艇湖中閑采
蓴吾何恨有漁翁共醉谿友爲隣

憶秦娥

玉花驄晚街金轡聲 瓊瓏聲 瓊瓏閑歌烏帽
又過城東 富春巷陌花重重 千金沽酒酬
春風 酬春風 笙歌圍裏錦繡叢中

漢宮春

張園賞海棠作園
故蜀燕王宮也

浪迹人間喜聞猿楚峽學劍秦川虛舟汎然

詞一

古

不繫萬里江天朱顏綠鬢作紅塵無事神僊
何妨在鶯花海裏行歌閑送流年 休笑放
慵狂眼看閑坊深院多少嬋娟燕官海棠夜
宴花覆金船如椽畫燭酒闌時百炬吹煙憑
寄語京華舊侶幅巾莫換貂蟬

其二

初自南鄭
來成都作

羽箭雕弓憶呼鷹古壘截虎平川吹笳暮歸
野帳雪壓青氈淋漓醉墨看龍蛇飛落蠻牋
人誤許詩情將略一時才氣超然 何事又
作南來看重陽藥市元夕燈山花時萬人樂

處歌帽垂鞭聞歌感舊尚時時流涕尊前君
記取封侯事在功名不信由天

月上海棠

成都城南有蜀王舊苑尤
多梅皆二百餘年古木

斜陽廢苑朱門閉 吊興亡遺恨淚痕裏淡
宮梅也依然點酥剪水凝愁處似憶宣華舊
事 行人別有淒涼意折幽香誰與寄千里
佇立江皋杳難逢隴頭歸騎音塵遠楚天危
樓獨倚

宣華故
蜀苑名

其二

詞一

古

蘭房繡戶厭厭病 歎春醒和悶甚時醒燕子
空歸幾曾傳玉關邊信傷心處獨展團窠瑞
錦 熏籠消歇沉煙冷淚痕深展轉看花影
漫擁餘香怎禁他峭寒孤枕西牕曉幾聲銀
瓶玉井

烏夜啼

金鴨餘香尚暖綠窻斜日偏明蘭膏香染雲
鬟膩釵墜滑無聲 冷落鞦韆伴侶闌珊打
馬心情繡屏驚斷瀟湘夢花外一聲鶯

其二

簷角楠陰轉日樓前荔子吹花鷓鴣聲裏霜

天晚疊鼓已催衙 鄉夢時來枕上京書不
到天涯邦人訟少文移省閑院自煎茶

其三

我校丹臺玉宇君書藥殿雲篇錦官城裏重
相遇心事兩依然 携酒何妨處處尋梅共
約年年細思上界多官府且作地行僊

其四

世事從來慣見吾生更欲何之鏡湖西畔秋
千頃鷗鷺共忘機 一枕蘋風午醉二升菰
米晨炊故人莫訝音書絕釣侶是新知

其五

素意幽棲物外塵緣浪走天涯歸來猶幸身
強健隨分作山家 已趁餘寒泥酒還乘小
雨移花柴門盡日無人到一徑傍谿斜

其六

園館青林翠機衣巾細葛輕紈好風吹散霏
微雨沙路喜新乾 小燕雙飛水際流鶯百
轉林端投壺聲斷彈碁罷閑展道書看

其七

從官元知漫浪還家更覺清真蘭亭道上多

脩竹隨處岸綸巾 泉冽偏宜雪茗杭香雅
稱絲尊脩然一飽西牕下天地有閑人

其八

紈扇嬋娟素月紗巾縹渺輕煙高槐葉長陰
初合清潤雨餘天 弄筆斜行小草鈎簾淺
醉閑眠更無一點塵埃到枕上聽新蟬

真珠簾

山村水館參差路感羈遊正似殘春風絮掠
地穿簾知是竟歸何處鏡裏新霜空自憫問
幾時鸞臺鸞署遲暮謾憑高懷遠書空獨語

詞一

七

自古儒冠多誤悔當年早不扁舟歸去醉
下白蘋洲看夕陽鷗鷺菰菜鱸魚都棄了只
換得青衫塵土休顧早收身江上一蓑煙雨
好事近

混迹寄人閒夜夜畫樓銀燭誰見五雲丹竈
養黃芽初熟 春風歸從紫皇遊東海宴暘
谷進罷碧桃花賦賜玉塵千斛

渭南文集卷第五十

山陰陸游務觀

詞

柳梢青

故蜀燕王宮海棠之盛為成都第一今屬張氏

錦里繁華環宮故邸疊萼奇花俊客妖姬爭
飛金勒齊駐香車何須幙障幃遮寶杯浸
紅雲瑞霞銀燭光中清歌聲裏休恨天涯

其二

乙巳二月西興贈別

十載江湖行歌沽酒不到京華底事翩然長
亭煙草衰鬢風沙憑高目斷天涯細雨外

樓臺萬家只恐明朝一時不見人共梅花

夜遊宮

記夢寄師伯渾

雪曉清笳亂起夢遊處不知何地鐵騎無聲
望似水想關河鴈門西青海際睡覺寒燈
裏漏聲斷月斜牕紙自許封侯在萬里有誰
知鬢雖殘心未死

其二

詞

獨夜寒侵翠被柰幽夢不成還起欲寫新愁
淚賤紙憶承恩歎餘生今至此款款燈花
墜問此際報人何事咫尺長門過萬里恨君

心似危欄難久倚

安公子

風雨初經社子規聲裏春光謝最是無情零
落盡薔薇一架況我今年憔悴幽窗下人盡
怪詩酒消聲價向藥爐經卷忘却鶯牕柳榭
萬事收心也粉痕猶在香羅帕恨月愁花
爭信道如今都罷空憶前身便面章臺馬因
自來禁得心腸怕縱遇歌逢酒但說京都舊
話

玉胡蝶

王忠州家席上作

倦客平生行處墜鞭京洛解佩瀟湘此夕何
年來賦宋玉高唐繡簾開香塵乍起蓮步穩
銀燭分行暗端相燕羞鶯妬蝶遶蜂忙難
忘芳樽頻勸峭寒新退玉漏猶長幾許幽情
只愁歌罷月侵廊欲歸時司空笑悶微近處
丞相嗔狂斷人腸假饒相送上馬何妨

木蘭花慢

夜登青城山王華樓

閨邯鄲夢境歎綠鬢早霜侵柰華岳燒丹青
谿看鶴尚負初心年來向濁世裏悟真詮祕
訣絕幽深養就金芝九畹種成琪樹千林

星壇夜學步虛吟露冷透瑤簪對翠鳳披雲
青鸞遡月宮闕蕭森琅函一封奏罷自鈞天
帝所有知音却過蓬壺嘯傲世間歲月駸駸

蘇武慢

唐安西湖

澹靄空濛輕陰清潤綺陌細塵初靜平橋繫
馬畫閣移舟湖水倒空如鏡掠岸飛花傍簷
新燕都似學人無定歎連年戎帳經春邊壘
暗凋顏鬢空記憶杜曲池臺新豐歌管怎
得故人音信羈懷易感老伴無多談麈久閑
犀柄惟有脩然筆床茶竈自適筍輿煙艇待

綠荷遮岸紅蕖浮水更乘幽興

齊天樂

左錄道中

角殘鍾晚關山路行人乍依孤店塞月征塵
鞭絲帽影常把流年虛占藏鴉柳暗歎輕負
鶯花謾勞書劍事往關情悄然頻動壯遊念
孤懷誰與強遣市廛沽酒酒薄怎當愁釀
倚瑟妍詞調鈿妙筆那寫柔情芳艷征途自
厭况煙斂蕪痕雨稀萍點最是眠時枕寒門
半掩

其二

三榮人日
逆龍洞作

客中隨處閑消悶來尋嘯臺龍岫路歛春泥
山開翠霧行樂年年依舊天工妙手放輕綠
萱牙淡黃楊柳笑問東君爲人能染鬢絲否
西州催去近也帽簷風軟且看市樓沽酒
宛轉巴歌淒涼塞管携客何妨頻奏征塵暗
袖漫禁得梅花伴人疎瘦幾日東歸畫船平
放溜

望梅

壽非金石恨天教老向水程山驛似夢裏來
到南柯這些子光陰更堪輕擲戍火邊塵又
過了一年春色歎名姬駿馬盡付杜陵苑路
豪客長繩漫勞繫日看人間俛仰俱是陳
迹縱自倚英氣凌雲奈回盡鵬程鐵殘鸞翮
終日憑高誚不見江東消息算沙邊也有斷
鴻倩誰問得

洞庭春色

壯歲文章暮年勲業自昔誤人筭英雄成敗
軒裳得失難如人意空喪天真請看邯鄲當
日夢待炊罷黃梁徐欠伸方知道許多時富
貴何處關身人間定無可意怎換得玉鱸

絲尊且釣竿漁艇筆牀茶竈閑聽荷雨一洗
衣塵洛水秦關千古後尚棘暗銅駝空愴神
何須更慕封侯定遠圖像麒麟

漁家傲

寄仲高

東望山陰何處是往來一萬三千里寫得家
書空滿紙流清淚書回已是明年事 寄語
紅橋橋下水扁舟何日尋兄弟行徧天涯真
老矣愁無寐鬢絲幾縷茶煙裏

繡停針

歎半紀跨萬里秦吳頓覺衰謝回首鷓鴣行英

詞二

五

俊並遊咫尺玉堂金馬氣凌嵩華負壯略縱
橫王霸夢經洛浦梁園覺來淚流如瀉 山
林定去也却自恐說著少年時話靜院焚香
閑倚素屏今古總成虛假趁時婚嫁幸自有
湖邊茅舍燕歸應笑客中又還過社

桃源憶故人

并序

三榮郡治之西因子城作樓觀
曰高齋下臨山村蕭然如世外
予留七十日被命參成都戎幙
而去臨行徙倚竟日作桃源憶

故人一首

斜陽寂歷柴門閉一點炊煙時起雞犬往來
林外俱有蕭然意 衰翁老去踈榮利絕愛
山城無事臨去畫樓頻倚何日重來此

其二

應靈道中

欄干幾曲高齋路正在重雲深處丹碧未乾
人去高棟空留句 離離芳草長亭暮暮無奈
征車不住惟有斷鴻煙渚知我頻回顧

其三

一彈指頃浮生過墮甌元知當破去去醉吟

詞二

六

高卧獨唱何須和 殘年還我從來我萬里
江湖煙舸脫盡利名韁鑠世界元來大

其四

城南載酒行歌路冶葉倡條無數一朶鞋紅
凝露最是關心處 鶯聲無賴催春去那更
兼旬風雨試問歲華何許芳草連天暮

其五

題華山圖

中原當日三川震關輔回頭煨燼淚盡兩河
征鎮日望中興運 秋風霜滿青青鬢老却
新豐英俊雲外華山千仞依舊無人問